



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган



WWW.XS.UZ



E-mail: Info@xs.uz



2018 йил 11 март, № 48 (7006)

Якшанба

Сайтимизга ўтиш учун QR-кодни телефонингиз орқали сканер қилинг.



ТАШРИФ САМАРАЛИ БЎЛДИ

Аввал хабар қилинганидек, Ўзбекистон Республикаси Президенти Шавкат Мирзиёев Тожикистон Республикаси Президенти Имомали Раҳмоннинг таклифига биноан 9-10 март кунлари давлат ташрифи билан ушбу мамлакатда бўлди.



Ташрифнинг иккинчи куни давлатимиз раҳбари ўзи учун ажратилган қароргоҳда Тожикистон Республикаси парламентининг Мажлиси намояндагон палатаси раиси Шукржон Зухуровни қабул қилди. Ташриф доирасида Ўзбекистон билан Тожикистон ўртасида сиёсий, савдо-иқтисодий, маданий-гуманитар соҳалардаги муносабатларни мустаҳкамлаш бўйича муҳим келишувларга эришилди. Хусусан, парламентлараро алоқаларни ривожлантириш бўйича ҳам

амалий қадамлар ташланди. Учрашувда Ўзбекистон Президентининг Тожикистонга давлат ташрифи гоյат самарали кечаётгани, томонларни қизиқтирган барча масалалар бўйича яқдил келишувларга эришилгани қайд этилди. Айниқса, давлат чегараси бўйича шартнома ва фуқароларнинг ўзаро қатновига қулайлик яратишга оид битим мамлакатларимиз муносабатлари, халқларимизнинг дўстона алоқаларига замин бўлиши алоҳида таъкидланди. Автомобиль ва

темир йўлларнинг очилгани, Ишбилармонлар кенгаши тузилгани ҳам бу борада муҳим ўрин тутди. Шукржон Зухуров билан суҳбатда олий даражада имзоланган ҳужжатларни ратификация қилиш, парламентлараро алоқаларни мустаҳкамлаш масалаларига тўхталиб ўтилди. Қонун чиқарувчи органлардаги дўстлик гуруҳлари ишини фаоллаштириш, ўзаро таширфлар ва тажриба алмашувни кўпайтириш зарурлиги қайд этилди. Президентимиз

томонларнинг ҳамкорликка оид мулоқотлари мунтазамлик касб этиши йўлида муҳим қадамлар ташланганини таъкидлади. Давлатимиз раҳбари Тожикистон Республикаси парламентининг Мажлиси намояндагон палатаси раисини Ўзбекистонда амалга оширилаётган ислохотлар билан танишиш, ҳамкорлик алоқаларини мустаҳкамлаш, ўзаро тажриба алмашувни ўртимизга таклиф қилди. Шунингдек, Ўзбекистон Республикаси Президенти Шавкат

Мирзиёев ўзи учун ажратилган қароргоҳда Тожикистон Республикаси Бош вазири Қоҳир Расулзодани қабул қилди.

Суҳбат чоғида 9 март куни бўлиб ўтган олий даражадаги учрашувларда икки мамлакат ўртасидаги ҳамкорликка доир барча масалалар муҳокама этилиб, уни ривожлантиришнинг устувор йўналишлари белгилаб олингани таъкидланди. Савдо, иқтисодиёт, инвестиция, молия, транспорт ва транзит, қишлоқ хўжалиги, сув-энергетика, солиқ, туризм, фан-таълим, соғлиқни сақлаш, маданият, хавфсизлик каби соҳалардаги ҳамкорлик ҳамда худудлараро алоқаларни ривожлантириш бўйича имзоланган ҳужжатлар юқори баҳоланди.

Мулоқотда мазкур келишувларни бажариш, икки мамлакат ўртасидаги савдо айланишлари кўпайтириш ва таркибини диверсификация қилиш, бизнес учун қулай муҳит яратиш масалаларига эътибор қаратилди.

Хусусан, товар айирбошлаш ҳажмининг 1 миллиард долларга етказиш режаси икки мамлакат ҳукуматларига катта масъулият юклаши қайд этилди.

Шавкат Мирзиёев Ўзбекистон савдо-иқтисодий ҳамкорлигини ривожлантиришга тайёрлигини, бунинг учун барча зарур шароит яратишини таъкидлади.

Қоҳир Расулзода Ўзбекистон Республикаси билан Тожикистон Республикаси ўртасида савдо-иқтисодий ҳамкорлик бўйича

Ҳукуматлараро комиссия ҳамраиси сифатида ўзаро манфаатли лойиҳалар ишлаб чиқиш, қўшимча имкониятлар бўйича таклифлар тайёрлашга алоҳида аҳамият беришини қайд этди.

Икки мамлакат худудлари ва етакчи корхоналари ўртасида кооперацияни кенгайтириш, қўшма корхоналар ташкил этиш, транзит юк ташишни кўпайтириш ва бошқа масалалар муҳокама қилинди.

Олий даражада эришилган келишувларни амалга ошириш бўйича “йўл харитаси” қабул қилиш муҳимлиги таъкидланди.

Шу билан Ўзбекистон Республикаси Президенти Шавкат Мирзиёевнинг Тожикистон Республикасига давлат ташрифи якунига етди.

Душанбе халқаро аэропортида мамлакатимиз раҳбарини Тожикистон Республикаси Президенти Имомали Раҳмон кузатиб қўйди.

Ишонч билан айтиш мумкинки, ушбу ташриф асносида имзоланган ҳужжатлар ва эришилган келишувлар икки томонлама муносабатларни сиқат жиҳатидан янги босқичга қўтарди.

Абу Бакр ЎРЗОЕВ,
ЎЗА махсус мухбири.
Тошкент — Душанбе — Тошкент

СУРАТДА: Ўзбекистон Республикаси Президенти Шавкат Мирзиёев ва Тожикистон Республикаси Бош вазири Қоҳир Расулзода.

Сарвар ЎРМОНОВ олган сурат.

ДУНЁ НИГОҲИ



Ўзбекистон Республикаси Президенти Шавкат Мирзиёевнинг Тожикистон Республикасига давлат ташрифи чет эл оммавий ахборот воситаларида кенг муҳокама қилинаётган мавзулардан бирига айланди.

«МИНТАҚАДАГИ ЙИЛ ВОҚЕАСИ»

Хориж матбуоти Ўзбекистон Президентининг Тожикистонга давлат ташрифини ана шундай баҳоламоқда.



Матбуотда чоп этилган мақолалар ва билдирилган фикр-мулоҳазаларни таҳлил қилар эканмиз, мазкур ташриф минтақамизда “йил воқеаси” мақомини олишига ишончимиз ортади. Хусусан, Россиянинг “Мир 24” телеканали катта ҳажмдаги репортаж тайёрлади. Унда, жумладан, шундай дейилади:

“Ушбу ташриф тарихий мақомга эга бўлди. Аэропортида Тожикистон Президенти Ўзбекистонлик ҳамкасбини шахсан кутиб олди. Автомобиллар кортежи юрган йўлда эса, майдалаб ёғайтган ёмғирга қарамай, одамлар бир неча километрга қўзилган сафга тизилган эди. Қўллариди гуллар ва байроқлар билан улар икки давлат етакчиларини олқишладилар.

20 йил давомида тўпланиб келган масалаларни ҳал қилиш учун икки халқнинг қардошлигини чин дилдан ҳис қилиш лозим. Бир неча соат давомида давлатлар раҳбарлари деярли барча масала бўйича келишувларга эришдилар.



Хитойнинг энг йирик нашри — “Жэньминь жибао” газетасида ёзилишича, ўзаро ҳурмат, ишонч ҳамда конструктив фикр

алмашинув руҳида ўтган музокаралар Ўзбекистон — Тожикистон ҳамкорлигини сифат жиҳатидан янги даражага олиб чиқади.

“Шавкат Мирзиёевнинг давлат ташрифи арафасида Душанбеда “Тожикистон — Ўзбекистон” ишбилармонлар кенгаши тузилиб, ташриф доирасида унинг биринчи ййгилиши ўтказилди. Мазкур тадбир савдо-иқтисодий алоқаларни янада ривожлантириш, талаб юқори бўлган саноат маҳсулотларини ўзаро етказиб бериш ҳажмининг орттириш, икки томонлама савдо учун қулай шарт-шароитлар яратишга хизмат қилади”, дея қайд этади хитойлик журналистлар.



Жанубий Кореянинг “Yonhap News” ахборот агентлигининг баён этишича, Тошкент ва Душанбе

ўзаро шериклик алоқаларини изчил ривожлантириш ҳамда мустаҳкамлаш бўйича қатъий ирода ва шижоат намоён қилмоқда.

“Олий даражадаги мулоқотларни кучайтириш борасида муҳим қадамлар қўйилдики, бу келгусида бутун Марказий Осиёда тинчлик, осойишталик, хавфсизлик ҳамда барқарор тараққиётни таъминлашга хизмат қилади”.



Озарбайжонда фаолият юритадиган “Trend” ахборот агентлиги тарқатган мақолада республикаимиз раҳбарининг Тожикистонга давлат ташрифи доирасида

ташкил этилган “Ўзбекистонда ишлаб чиқарилган” миллий маҳсулотлар кўргазмасига алоҳида эътибор қаратилади. “Ушбу бизнес анжуманида намойиш қилинган енгил, кимё, озик-овқат саноати, электр техникаси, автомобилсозлик маҳсулотлари, қурилиш материаллари ва хунармандлик буюмлари кўргазмага Ўзбекистонлик ҳамкасби билан биргаликда ташриф буюрган Тожикистон Президенти томонидан юқори баҳоланди”, дея хабар беради озарбайжонлик шарҳловчилар.



Қозоғистоннинг “Казинформ” ахборот агентлиги таъкидлаганидек, Душанбеда бўлиб

ўтган олий даражадаги музокаралар чоғида жами 27 та ҳужжат имзоланиб, улар турли баҳалардаги алоқаларни мустаҳкамлашга қаратилгандир. Агентлик давлат раҳбарлари имзолаган Дўстлик ва яхши қўшилишни мустаҳкамлаш тўғрисидаги Қўшма баёнот, Ўзбекистон — Тожикистон давлат чегарасининг алоҳида участкалари тўғрисидаги шартномани қаламага олиб, уларни “Тарихий аҳамиятга эга ҳужжатлар”, дея таърифлайди.



“Бугун икки томонлама муносабатларнинг ривожланишига

тўсқинлик қилиши мумкин бўлган деярли ҳеч қандай муаммо қолмади”. Қирғизистоннинг Бишкек шаҳрида фаолият юритадиган Марказий Осиё янгиликлар хизмати — “CA-News” ана шундай фикр билдирди. Ахборот портали Шавкат Мирзиёев Тожикистон Президентига ўзи учун қулай пайтда Ўзбекистонга ташриф буюришни таклиф қилганини қайд этади. “Таклиф мамнуният билан қабул қилинди”, дея ёзилади “CA-News” ахборот портали хабарида.

Анвар МИРЗАЕВ («Халқ сўзи») тайёрлади.

ПАРЛАМЕНТДАГИ МУХБИРИМИЗ ХАБАР ҚИЛАДИ

Инсон ҳуқуқлари бўйича Миллий маъруза тайёрланмоқда

Инсон ҳуқуқ ва эркинликлари ҳамда қонуний манфаатларининг таъминланиши эркин фуқаролик жамиятини барпо қилиш йўлидаги ислохотларнинг бош мақсади этиб белгиланган. Шу боис бугунги кунда мазкур соҳадаги халқаро, минтақавий ва ихтисослаштирилган ташкилотлар билан ўзаро манфаатли алоқаларни ўрнатиш мамлакатимиз учун долзарб масала ҳисобланади. Айни чоғда БМТнинг Инсон ҳуқуқлари бўйича Кенгаши билан яқин ҳамкорлик муносабатлари йўлга қўйилгани бу борада устувор аҳамиятга эгадир.

Қуйи палатанинг Демократик институтлар, нодавлат ташкилотлар ва фуқароларнинг ўзини ўзи бошқариш органлари, Халқаро ишлар ва парламентлараро алоқалар қўмиталари ҳамда Олий Мажлис ҳузуридаги Қонунчилик муаммолари ва парламент тадқиқотлари институти ҳамкорлигида ташкил қилинган Инсон ҳуқуқлари бўйича БМТ Кенгашига тақдим этиладиган Учинчи Миллий маъруза юзасидан қўмиталар эшитишда шулар ҳусусида сўз юритилди.

(Давоми 2-бетда).



Экспортни кенгайтиришнинг муҳим шарти

Шу йилнинг 27 февраль куни Президентимиз Шавкат Мирзиёев раислигида бўлиб ўтган видеоселектор ййгилиши ташқи савдо айланмасида экспортни кўпайтириш ҳамда импортнинг улушини камайтириш масалаларига бағишланди. Рақобатдош маҳсулот ишлаб чиқариш ва экспортни оширишга тўсиқ бўлаётган омиллар танкидий таҳлил қилинди ҳамда маҳаллийлаштириш дастурини ижро этишдаги камчиликлар кўрсатиб ўтилди.

ЭКСПЕРТ ФИКРИ

Ҳўш, бу борада мавжуд ресурс ва имкониятлардан нечоғли самарали фойдаланаямиз? Иқтисодийётни барқарор ривожлантириш, унинг рақобатдошлигини таъминлаш ҳамда мамлакатни модернизациялаш бўйича стратегияни амалга оширишга зарур бўлган валюта маблағларини жалб қилиш учун экспорт ва импорт ҳажмининг оқилона мувозанатлаштириш олаямизми?

Шубҳага ўрин йўқ

Ййгилишдан сўнг бир қатор оммавий ахборот воситаларида ҳамда ижтимоий тармоқларда экспертлар ўз хавотирларини билдиришди. “Давлат раҳбарининг импорт ўрнини босувчи маҳсулотлар ишлаб чиқарилишини қўллаб-қувват-

ласосий воситаси ҳисобланади. Бу эса, экспертларнинг фикрича, экспортни кенгайтириш учун бартафат этиб бўлмайдиган тўсиқни яратди. Аслида бундай кескин талқин ййгилишда билдирилган фикрларнинг мутлақо тескариси эканлигини кўриш мумкин.

Келинг, рақобатдош саноатни яратиш бўйича миллий иқтисодий модели ўз самарасини берган Сингапур ҳамда Жанубий Корея сингари давлатларнинг бу борадаги тажрибаларини олиб қарайлик.

(Давоми 2-бетда).



«Обод қишлоқ» дастури



Аввал хабар қилганимиздек, давлатимиз раҳбари ташаббуси билан Жиззах вилоятининг Дўстлик туманидаги Манас қишлоғида бошланган “Обод қишлоқ” дастури кўлами бошқа худудларда ҳам бўй кўрсатмоқда. Ушбу эзгу ташаббусни Самарқанд вилоятининг энг чекка аҳоли яшаш манзилларидан бири — Жом қишлоғида ҳам амалга оширишга киришилди.

Эзгу анъаналарга уйғун ташаббус

Бугун худуд қиёфасини бутунлай ўзгартириш, одамларнинг турмуш шароитини янада яхшилаш, қишлоқни ижтимоий-иқтисодий ривожлантириш бўйича комплекс чоратадбирлар рўёбга чиқарилмоқда. Одамларни ҳаётидан рози қилиш, шаҳарлардагидек яшаш шароитларини яратиш мақсадида бошланган мазкур бунёдкорлик ишларига вилоятдаги ўнлаб корхона ва ташкилотлар жалб этилган. Халқимизнинг азалий қадрияти бўлмиш умумхалқ ҳашари асосида бошлаб юборилган сайё-ҳаракатлар натижасида илк кунларданок ушбу қишлоқнинг электр таъминотини модернизация қилиш бўйича катта ҳажмдаги ишлар ниҳоясига етказилди.

(Давоми 3-бетда).



Инсон ҳуқуқлари бўйича Миллий маъруза тайёрланмоқда



Учинчи Миллий даврий маърузада инсон ҳуқуқлари бўйича халқаро механизмлар ҳамда шартномавий органлар билан ҳамкорликни янада ривожлантириш ва халқаро нормаларни

Зиёда АШУРОВА.

Неча йиллардан бери баҳс-мунозара мавзуси бўлиб келаятган бир муаммо бор: бу — тўй-маъракаларимиздир. Нега бу борада аниқ бир натижага эришиб бўлмаяпти? Сабаби оддий: миллий қадриятларимизга умуман тўғри келмайдиган янгидан-янги “одат”лар, тадбирлар йил сайин кўпайса кўпаймоқдаки, асло қамаймапти. Энг ёмони, бундай бемаъни одатлар ёшларимиз тарбиясига салбий таъсир кўрсатаётир, оилаларнинг мустаҳкамлигига, одамларнинг саломатлигига зарар етказмоқда.

Гавҳар АЛИМОВА,
Ўзбекистон Республикаси
Олий Мажлиси Сенатининг
Фан, таълим, маданият ва
спорт масалалари
қўмитаси раиси ўринбосари.

1 (Давоми. Бошланиши 1-бетда).

Шарофиддин НАЗАРОВ,
Иқтисодий тадқиқотлар
маркази директори,
иқтисод фанлари доктори.



БИЗ ВА ЖАҲОН

Ўзбекистон ва Грузия халқлари ўртасида азалдан дўстлик ҳамда ўзаро ҳурмат қарор толган. Уларнинг ўхшаш жиҳатлари ҳам кўп. Одамлари меҳнатсевар, тарихи буюк, замини гўзал ва бетакрор. Пулривкор тоғлару сўлим табиат, шифобахш сувлару унумдор тупроқлар, чин маънода, икки халққа туҳфа этилган инъомдир.

Юртимизнинг воҳадан водийгача узанган тоғларию тўрт фасл мужассам табиати қанчалик машҳур бўлса, Грузиянинг сўлим манзараларидан тортиб, Боржоми водийсининг шифобахш сувлари ҳам шунчалик донгдордир.

Ўзбекистон — Грузия: ҲАМКОРЛИКНИНГ ЯНГИ УФҚЛАРИ

Таниқли ёзувчи Чингиз Айтматов ўзбек халқини ўз халқидек эъозлаб, юксакларга кўтарган бўлса, асарларида чин ватанпарварлик ҳамда мардликни тараннум қилиш учун грузин миллати вакилларини қаҳрамон этиб танлагани бежиз эмас, албатта.

Бугун ўзбек ва грузин халқлари ўртасида ҳам иқтисодий, ҳам маданий алоқалар тобора ривожланиб, тараққий топиб бормоқда. Президентимиз Шавкат Мирзиёев 2017 йилда ўзининг АҚШга ташрифи доирасида Грузия Бош вазири Георгий Квирикашвили билан учрашиб, ўзаро ҳамкорлик юзасидан мулоқот ўтказгани фикримиз далилидир.

Маълумки, Грузия Ўзбекистонда ишлаб чиқарилаётган маҳсулотларни хорижий мамлакатларнинг бозорларига олиб чиқиш учун му-

ҳим транзит давлат ҳисобланади. Шу боис Ўзбекистон Грузияга автомобиллар, тўқимачилик ҳамда электр техникаси жиҳозлари экспорт қилиш билан бирга, Грузия йўллари орқали жаҳон бозорига чиқишдан манфаатдор.

Жорий йилнинг 22-23 февраль кунлари Ўзбекистон Республикаси Ташқи савдо вазирлиги мутасаддиларидан иборат ишчи гуруҳи Тбилисида бир қатор вазирликлар, идора ва компаниялар вакиллари билан учрашди. Ташриф мобайнида темир йўл соҳасидаги ҳамкорликни янада ривожлантириш, халқаро транспорт коридорларидан самарали фойдаланиш ҳамда икки давлат темир йўллари орқали транзит юкларини ташши ҳаммини кўпайтириш бўйича келишувларга эришилди. Ушбу музокараларнинг энг муҳим натижаларидан бири сифатида Гру-

зия томонидан барча турдаги ўзбек маҳсулотларининг ташиб ўтилиши учун 50 фоиз чегирма тақдим этилганини таъкидлаш ўринли.

Заминимизда етиштирилаётган лимон кўчати 1932 йилда айнан Грузия мамлакатидан олиб келингани ва тажрибали боғбонларимиз томонидан иқлимимизга мослаштирилгани ҳам бугун кўпчиликка аён бўлса керак. Шу билан бирга, Самарқанд вилоятининг бир нечта ҳудудида Грузия ноқлари, Греция олхўри ҳамда шафтолиси, Хиндистоннинг данаксиз анорига чам пайвандлаш усулида кўпайтирилаётгани ҳам айни ҳақиқат.

Шу ўринда яна бир гап. Ўзбекистонда хизмат кўрсатган соҳибкор, Давлат мукофоти соҳиби, фахрий академик Ризамат ота Мусамұхамедов ўзининг ҳаёти ва фаолияти давомида узумнинг ўнлаб

навларини яратди, токни яшартриш усулини жорий қилди. Ўзбекистоннинг деярли барча ҳудуди ҳамда қўшни давлатларнинг бир қатор туманларида, ҳатто Грузия ва Арманистонда ҳам минглаб гектар ерларда намунавий тоқзор ҳамда боғлар яратишга бош бўлгани ҳар қандай кишида фахр ҳиссини уйғотади. Ўзбек боғбонининг узум етиштириш усуллари бугунги кунда ҳам ўнлаб хорижий мамлакатларда эътироф этилиб, амалиётга киритилмоқда.

Икки давлат ўртасидаги ҳамкорлик нафақат қишлоқ ҳўжалиги, балки адабиёт ва санъат йўналишида ҳам муҳим ўрин тутади, десак, тўғри бўлади. Ҳусусан, Алишер Навоий номидаги Ўзбекистон Миллий кутубхонаси ҳамда Корнейли Кекелидзе номидаги Грузия Миллий кўлёмзалар маркази ўртасида ўзаро ҳамкорлик меморандумининг

РЕКЛАМА ЎРНИДА

Санитария тизими ва технологияларини такомиллаштиришда Швейцария тажрибаси

Пойтахтимизда Швейцариянинг мамлакатимиздаги элчихонаси, “Eawag” илмий-текшириш маркази ҳамда Швейцария тараққиёт ва ҳамкорлик агентлиги томонидан “Кичик санитария тизимлари учун санитар ва техник ечим масалалари” мавзуйда семинар-тренинг ўтказилди.

АНЖУМАН

Унда Ўзбекистон Республикаси Уй-жой коммунал хизмат кўрсатиш, Инновацион ривожланиш, Соғлиқни сақлаш вазирликлари, Экология ва атроф-муҳитни муҳофаза қилиш давлат қўмитаси, вилоят ҳокимликлари ҳамда бир қатор халқаро ташкилотлар вакиллари иштирок этди.

Маълумки, аҳоли саломатлигини сақлаш, турмуш фаровонлигини таъминлашнинг асосий шартларидан бири — мамлакатда санитария-эпидемиологик ҳолатни яхшилашдир. Юртимизда туризм соҳасини жадал ривожлантириш режалаштирилаётган бугунги кунда мазкур масала янада кўпроқ аҳамиятга эга. Бироқ бу борада ҳали ечимини кутаётган муаммолар мавжуд. Семинар давомида ушбу масалалар хорижлик мутахассислар билан бирга ўрганилди.

Тренинг доирасида Швейцариядаги “Eawag” илмий-текшириш маркази мутахассислари томонидан тайёрланган “Санитария тизими ва технологиялари ҳақида маълумотнома” номли тўплам тақдимоти ҳам бўлиб ўтди. Мазкур кўпланма дастлаб 2008 йилда чоп этилиб, кўплаб давлатларда шўхрат қозонган. Унда келтирилган

услугалар бир неча давлатларда қўлланилиб, ўзининг ижобий самарасини бера бошлаган. Энди у ўзбек мутахассислари ўрганиши учун қайта нашр қилиниб, фойдаланишга топширилди.

— Санитария масаласи Ўзбекистон учун ҳам жуда муҳим, — дейди Швейцариянинг Ўзбекистондаги Фавкулотда ва мухтор элчиси Оливье Шав. — Бу йўналишда тегишли вазирлик ҳамда идоралар билан ҳамкорлик изчил ривожлантириляпти. “Санитария тизими ва технологиялари ҳақида маълумотнома”да айни дамда ҳал этилиши кутилаётган муаммоларнинг 57 турдаги самарали ечимлари тақдим қилинган. Уларни Ўзбекистоннинг барча ҳудудида жорий этиш орқали қутилган натижага эришиш мумкин.

Анжуман якунида 2030 йилгача марказлашган канализация тизимини реконструкция қилиш режалаштирилгани таъкидланди. Тақдимоти ўтказилган тўпламнинг электрон нусхаси интернетга жойлаштирилиб, ундаги методларни аҳоли қўллаш мумкинлиги борасида тақлифлар билдирилди.

Дилшодабону АБВАЛБЕКОВА.

Мукаддас қадамжолар ободонлаштирилмоқда

Хоразм вилоятида мукаддас қадамжоларнинг ободонлаштирилишига алоҳида эътибор берилмоқда.

ЗИЁРАТ ТУРИЗМИ

— Давлатимиз раҳбари ўтган йил бошида Хоразм вилоятига ташрифи чоғида Хивадаги Пахлавон Маҳмуд зиёратгоҳини обод қилиш бўйича топшириқлар берган эди,— дейди Ўзбекистон мусулмонлари идораси ҳузуридаги Мукаддас қадамжоларни сақлаш ва обод этиш хайрия жамғармасининг Хоразм вилояти бўлими “Пахлавон Маҳмуд” зиёратгоҳи раҳбари Алижон Матёқубов. — Айни кунда бу ерда кенг кўламли таъмирлаш ишлари амалга оширилмоқда.

ХИХ аср бошларида Хива хони Муҳаммад Раҳимхон даврида қурилиш бошланиб, 1825 йилда Оллоқулихон томонидан битказилган ушбу обода қайта таъмирлаш ишларидан кейин янгича қўйма қасб этиб, сайёҳлар эътиборини тор-

тадиган фусункор меъморий иншоотлардан бирига айланди.

Зиёрат туризмининг ривожлантириш тадбирлари доирасида Шовот туманидаги Юсуф Ҳамадоний зиёратгоҳида лойиҳа қиймати 4,5 миллиард сўм бўлган қурилиш ва ободонлаштириш ишлари амалга оширилади.

Шу кунларда вилоятда Ўзбекистон мусулмонлари идораси ҳузуридаги Мукаддас қадамжоларни сақлаш ва обод этиш хайрия жамғармаси ҳамда ҳоимилар ҳисобидан 2018-2019 йиллар давомида реконструкция қилиш ва таъмирлаш ишлари бажариладиган эски масжидлар рўйхати ҳам шакллантирилмоқда.

Одилбек ОДАМБЕКОВ, «Халқ сўзи» мухбири.

Эзгу анъаналарга уйғун ташаббус

◀ (Давоми. Бошланиши 1-бетда).

— “Обод қишлоқ” дастури амалга оширилгунга қадар жомиллар электр энергияси таъминотидаги доимий узилишлардан қийналишаётганди, — дейди Каттакўрғон шаҳридаги “МК-12” МЧЖ бош муҳандиси Зоҳир Минғбоев. — Ҳозирги вақтда мазкур аҳоли яшаш пунктига электр узатиш линияси тортилди. 26 километрлик ички коммуникация тармоғини ётқизиш ишлари бошланди. Бунда барча эскирган симёқлар янгисига алмаштирилмоқда. Янги трансформаторлар ўрнатиляпти. Режалаштирилган ишлар якунланганидан сўнг Жом аҳолиси барқарор электр таъминотига эга бўлади.

Қарий ярқосиз аҳволга келиб қолган ички йўллар Жомнинг жиддий муаммоларидан яна биридир.

— Қишлоқнинг беш километр масофадан ортқ асосий ва 20 километрдан зиёд ички йўллари таъмирлаш бўйича ишлар олиб боришмоқда, — дейди Ўзбекистон Республикаси Автомобиль йўллари давлат қўмитаси Самарқанд вилояти ҳудудий бош бошқармаси бош муҳандиси Рауф Исоқов. — Ушбу жараёнга 20 дан ортқ техника воситалари жалб этилган. Эътиборли жиҳати, йўллар замонавий

талаблар асосида таъмирланмоқда. Ишончимиз комилки, бу каби кенг кўламли саъй-ҳаракатлар қисқа муддатда мазкур чекка қишлоқ қўёғасини тубдан ўзгартиради.

Бугун Жом — Самарқанд вилоятининг энг йирик қурилиш майдониға айланган. Бир вақтнинг ўзида уйлар таъмирланаяпти. Давлат ҳамда ҳусусий мактабҳида таълим муассосасларини бунёд қилиш бошлаб юборилди. Сув ва газ таъминоти тизими бутунлай янгиланмоқда. Ҳар бир маҳалладаги пала-партиш қуриб ташланган, ҳудуднинг умумий манзарасига ярашмайдиган турроржойлар бугунги меъморчилик талаблорига мослаштириляпти. Қўчалар ободонлаштирилиб, манзорали дароҳтлар экиляётир.

Қишлоқни комплекс ободонлаштиришда оқсоқоллар, ёшлар, вилоятнинг бошқа туманларидан келган ҳашарчилар фаол иштирок этаётгани эътиборлидир.

Нуробод туманида “Обод қишлоқ” лойиҳасини амалга ошириш жараёнида ижтимоий дастурларга ҳам алоҳида эътибор қаратиляпти. Жумладан, тураржойга муҳтож оилалар учун замонавий уйлар қурилади. Кам таъминланган хонадонларга газ плиталари ҳамда бошқа маиший техника воситалари олиб бериледи. Шунингдек, аҳолига қорамол, мевали дароҳт кўчатларини етказиб бериш бўйича ҳам аниқ

ни янада ошириш имкониятига эга бўлишади.

Қисқача айтганда, ушбу ижтимоий ташаббус юртодшларимизни мамлакатимизнинг ҳар бир гўшасини обод қилиш юяси атрофида бирлаштирадиган умуммиллий ҳаракатга айланиб бормоқда. Одамларнинг дунёқараши ўзгараляпти. Ўз жонажон маҳалласига, таъбир жоиз бўлса, Ватанига дахлдорлик ҳисси юксалмоқда. Бундай амалий саъй-ҳаракатлар пировардида юртимизнинг олис қишлоқларидан бири бўлган Жомни вилоятдаги обод ва файзли манзиллардан бирига айлантиради.

Ринат АБДУЛЬМАНОВ.

Матбаа соҳасида инновация

Мамлакатимизда наشريётлар ва матбаа корхоналари замон талабларига мос равишда ривожлантирилмоқда. Китоблар ҳамда бошқа босма маҳсулотлар халқаро стандартларга мос замонавий технологиялар асосида тайёрланаяпти.

ТАДБИР

Соҳада халқаро ҳамкорлик кўлами йил сайин кенгайиб бормоқда. Юртимизда фаолият юритаётган наشريёт ва матбаа корхоналари ўз маҳсулотлари билан жаҳоннинг турли давлатларида ўтказилаётган нуфузли танлов ҳамда форумларда муваффақиятли иштирок этиб қайтмоқда.

2018 йил 14-15 март кунлари Ўзбекистон Матбуот-ва ахборот агентлиги томонидан “A2 Digital” масъулияти чекланган жамияти билан ҳамкорликда ташкил қилинаётган “Инновацион технологияларнинг янги қирралари” шиори остидаги I Халқаро матбаа форуми соҳада халқаро алоқаларни янада кенгайтириш, кадрлар солиҳияти ҳамда малакасини юксалтириш, матбаа маҳсулотларини ишлаб чиқаришда инновацион технологиялардан самарали фойдаланиш, уларнинг хориж бозорларига чиқиши ва рақобатдошлигини оширишда қулай имко-

ниятлар яратиши билан аҳамиятлидир. Унда Америка Қўшма Штатлари, Россия, Германия, Исроил, шунингдек, Марказий Осиё давлатларидан йирик матбаа корхоналарининг вакиллари қатнашади.

Форум доирасида Ўзбекистонда матбааччилик соҳасига татбиқ этилган инновацион технологиялар ҳамда эришилган натижалар, соҳанинг истиқболдаги ривожланиш тенденциялари ҳусусида назарий ва амалий мулоқотлар, тақдимотлар, учрашувлар ўтказилиши режалаштирилган.

“Инновацион технологияларнинг янги қирралари” I Халқаро матбаа форумида иштирок этиш истагида бўлганлар www.irforum.uz манзили орқали рўйхатдан ўтишлари, шунингдек, мазкур форум билан боғлиқ барча маълумотга эга бўлишлари мумкин.

Дилшод КАРИМОВ, «Халқ сўзи» мухбири.



Полвонларимиз дунё рейтингига пешқадам

Бирлашган кураш дунёси халқаро ассоциацияси жаҳон спортчиларининг янги рейтингини эълон қилди.

Эътиборли жиҳати, унда уч нафар эркин курашчимиз — Аббос Раҳмонов (-61кг.), Рашид Қурбонов (-79кг.) ҳамда Магомед Ибрагимов (-97кг.) ўз вазн тоифасида биринчи ўринга кўтарилиб олди.

Яқинда Қирғизистонда спорт курашлари бўйича ўтказилган Осиё чемпионатида Аббос Раҳмонов бронза, Рашид Қурбонов кумуш, Магомед Ибрагимов эса олтин медални қўлга киритганди.

Қишки Паралимпия ўйинлари старт олди

9 март куни Жанубий Кореянинг Пхёнчхан шаҳрида XII қишки Паралимпия ўйинлари бошланди.

18 мартгача давом этадиган ушбу спорт байрамида дунёнинг 49 мамлакатидан 570 нафарга яқин паралимпиячилар қатнашади. Атлетлар спортнинг олти тури бўйича 80 та медалга жамламаси учун кураш олиб боради.

Жумладан, Ўзбекистон шарафини

чанғи пойғаларида Ёқутхон Холбекова ҳимоя қилади. Ҳамюртимизнинг илк чиқиши 12 март кунига мўлжалланган бўлиб, у 15 километрлик масофада рақиблари билан куч синашади. 14 март куни Ёқутхон 1,5 километрга спринт, 17 мартда эса 7,5 километрга классик пойға баҳсларида иштирок этади.

О. ЛУТФУЛЛАЕВ тайёрлади.

Олий суд: Йигирма йиллик низо ниҳоят ҳал этилди

Фуқаролар ўртасида келиб чиққан уй-жой билан боғлиқ низога нақ 20 йил давомида ечим топилмаса-я?! Бу ҳақда эшитган одам борки, ҳайрон қолиши, ёқасини ушлаши табиий.

Келинг, аввало, ўша низо қандай келиб чиққанини билдирсак. Гап шундаки, Бешариқ тумани, Рапқон қишлоғида яшаган Ҳукуматови Ганиева 1998 йил 17 сентябрда ўзи яшаб турган уйни Ш. Қодировга сотади. Аммо у ернинг 10 сотихи ўғли Одилжон Ганиевга ўтказилганда, уйни сотишга розилигини баён қилиб, тилхат ёзиб берган. Лекин бу тилхат суд жараёнида эътибордан четда қолиб келади.

СУД ҲИМОЯСИДА

Орадан 2 йил ўтиб-ўтмай, онахон вафот этади. Воқеалар ривожига кўра, 2013 йил мартада Ш. Қодиров номига кадастр ҳужжати тайёрланиб, давлат рўйхатидан ўтказилади ва низоли уй-жойнинг мулкига айланади. Одилжон Ганиев эса шу ерда уй ҳамда бошқа қўшимча иморатлар қуриб яшашда давом этади.

Фуқаролик ишлари бўйича Ўзбекистон туманлараро судининг 2017 йил 24 майдаги ҳал қилув қарори билан Ш. Қодиров даввоси қаноатлантирилиб, Ганиевлар томонидан ўзбошимчилик билан қурилган хоналарни буздиритиш ва уларнинг бу

уй-жойдан фойдаланиш ҳуқуқи тугатилиб, мажбурий тартибда қўчириш белгиланади. Фуқаролик ишлари бўйича Наманган вилояти суди апелляция инстанциясининг 2017 йил 26 сентябрдаги ажрини билан суднинг мазкур ҳал қилув қарори ўзгаришсиз қолдирилади.

Низо эса тобора чигаллашиб бораверади. Яъни тарафлар ўзаро мурося йўлини танламайди. Булардан безган О. Ганиев Олий судга мурожаат этиб, 4 нафар фарзанди ҳамда келини билан уйсиз қолаётганини билдиради. Айни чоғда онасининг тилхати ва 7 нафар туғишганларининг уйда улуши борлигини баён

қилади. Шунга мувофиқ, ушбу иш Олий судда ўрганилиб, суд қарорларининг Ганиевларни уйдан қўчириш ҳамда қурилган иморатларни буздиритиш ҳақидаги қисмини бекор қилиш ва шу қисмини янгидан қўриш ҳақида Олий суд раиси ўринбосари томонидан протест келтирилди.

— Низоини адолатли ҳамда қонуний ҳал этиш мақсадида жорий йилнинг 23 февралда Рапқон қишлоғига бордик, — дейди Ўзбекистон Республикаси Олий суди раисининг ўринбосари Холмўмин Ёдгоров. — Туман прокурори, ер ресурслари ва кадастр хизмати вакиллари иштирокида тарафлар билан суҳбатлашдик. Уйни кўздан кечириб, тарафлар ҳамда уларнинг оила аъзоларига ҳуқуқини тушунтириш борабариди, мазкур масалани келишув йўли билан ҳал қилишни таклиф этдик. Натижада даъвогар Одилжон Ганиевнинг ишончли вакили Гулнеҳархон Ганиева ва Шарофиддин Қодиров ўртасида келишув битими тузилиб, тасдиқлаш учун тақдим қилинди. Унга биноан, ҳовли икки қисмга бўлиниб, ер майдонининг 10,23 сотих қисми ҳамда уй-жойлар О. Ганиев оиласига берилди,



шунингдек, 12 сотихли ер майдони ва ундаги уй-жой Шарофиддин Қодиров оиласи эғалигига ўттиши белгиланди. Шундай қилиб, узоқ йиллардан буён давом этиб келаётган можаро барҳам топди, икки оила вакиллари эса енгил тин олди. Бу билан демокжимизки, агар масала ётиги билан тушунтирилса, одамлар тушунади. Зеро, биз ер таллашшдан ор қиладиган элнинг фарзандларимиз.

Умуман, судьялар ва давлат ҳамда жамоат ташкилотлари вакиллари ҳамкорлигида 2017 йил ва жорий йилнинг ўтган даврида 5 мингдан зиёд фуқаролик низолари тарафларни яраштириш орқали ижобий ечиб топди.

Зокир ХУДОШУКУРОВ, «Халқ сўзи» мухбири.



2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Фаол тадбиркорлик, инновацион ғоялар ва технологияларни қўллаб-қувватлаш йили”да амалга оширишга оид Давлат дастурида ҳам ўз ифодасини топган.

«IPOSEKA LEASING» — ИШОНЧЛИ ШЕРИК

Президентимиз Шавкат Мирзиёев 2017 йил 9 декабрда Қишлоқ хўжалиги ходимлари кунига бағишланган тантанали маросимдаги нутқида “Охирги 20 йилда эътибордан четда қолган яна бир тармоқ — балиқчилик соҳасини тиклаш учун “Ўзбек-балиқсаноат” уюшмаси ташкил этилди. Унинг тизимига 3 минг 600 та балиқчилик хўжалиги киритилди. Жорий йилда 580 минг гектар майдондаги табиий ва 28 минг гектар сунъий қўлларда 100 минг тоннадан ортиқ балиқ етиштирилди.

Вьетнам ва Хитой технологияси асосида интенсив усулда балиқ етиштириш, уни кўпайтириш, балиқ озукаси ишлаб чиқариш борасида ушбу мамлакатлар билан яқин ҳамкорлик йўлга қўйилди”, деб айтиб ўтган эди.

Дарҳақиқат, эндиликда илгари унчалик аҳамият берилмаган тармоқларни ривожлантириш, ҳар бир соҳага илғор ишланмаларни татбиқ этиш давр талабига айланмоқда. Давлатимиз раҳбарининг ушбу сўзлари қишлоқ хўжалигини тубдан

ислоҳ этиш ҳамда ривожлантириш нақадар муҳим эканлигини англатади. Чунки мазкур соҳа қанчалик тараққий топса, ҳаётимиз шунчалик яхшиланиб, дастуруримиз тўйимли ва парҳезбop маҳсулотлар билан бойиб бораверади.

Ёш авлоднинг соғлом улғайишида балиқ ҳамда балиқ маҳсулотлари муҳим ўрин тутди. Балиқ мия фаолиятига ижобий таъсир кўрсатиб, одамнинг кўриш қобилиятини яхшилайди. Йод танқислиги, кальций етишмовчилиги каби нуқсонлар

ни бартараф этишда қўл келади. Қолаверса, балиқ эндокрин хасталиклари профилактикасида ҳам айнаи мудаодир. Балиқ уни ва мойи фармацевтика ҳамда омихта ем саноати учун муҳим хом ашё саналади. Тиббиётчилар фикрича, инсон бир йил давомида ўртача 12 — 16 килограмм балиқ ва балиқ маҳсулотлари истеъмол қилиши лозим. Бундан кўринадики, балиқчилик ривожини ҳар жиҳатдан фойдалидир.

Давлатимиз раҳбарининг ўтган

— Чиндан ҳам, компания технологиялари қулайлиги ва замонавийлиги билан алоҳида ажралиб туради, — дейди пойтахтимиздаги “Stadion Stroy” масъулияти чекланган жамияти раҳбари Муҳаммадали Пулатов. — Унинг ёрдамида садок тўрларини, интенсив боғларни химоя қилувчи воситаларни ўзимизда ишлаб чиқариш имконияти вужудга келди. Ваҳолонки, улар четдан импорт қилинарди. Айнаи пайтда биз шундай пишиқ ва сифатли маҳсулотла-

— Ҳудудимиз иқлими балиқчилик учун анча қулай, — дейди вилоятдаги “Ахаджон Акбарович” фермер хўжалиги раҳбари Акбар Темиров. — Бу йил “Янгикўрғон” сув омборига ўрнатилган 30 дона садокда “Венгар карпи” деб номланган балиқ чавоқларини кўпайтираёғимиз. Ушбу балиқнинг ҳар бири 1-1,5 килограмм тош босади. Келгусида “Ipoteka Leasing” лизинг компанияси кўмаги билан яна 50 та садок сотиб олоқчимиз.

Эркинлик — тараққиёт омили. Шу маънода, иқтисодийдаги эркинлик ва қулай шарт-шароитлар ишбилармонлиқни жадал ривожлантириш, ички истеъмол бозорини сифатли маҳсулотлар билан тўлдириш, ташқи бозорларга чиқиш ҳамда халқаро алоқаларни кенгайтириш омилидир.

Давлатимиз раҳбарининг ҳудудларга ташрифи чоғида балиқ, тухум, гўшт сингари муҳим озиқ-овқат маҳсулотларини кўпайтириш, умуман, қишлоқ хўжалигини ривожлантириш борасида берилаётган таклиф ва тавсиялари шу мақсадларга қаратилгани билан аҳамиятлидир. Айнаи Президентимиз ташаббуси билан ташкил қилинган “Ipoteka Leasing” лизинг компанияси ҳудудларда ўз ҳамкорларини топиб, кўмак бермоқда. Бу ҳали бошланиши. Олдинда рўёбга чиқарилиши зарур бўлган ист-тиқболли лойиҳалар кўп. Балиқлар учун сифатли омихта ем ишлаб чиқарувчи, ёпиқ сув айланма тизими учун зарур технологияларни оммалаштириш шулар сирасидандир.

Яна бир гап. Компания балиқчиликка ихтисослаштирилган корхоналарга нафақат технологиялари билан, балки балиқларни парваришлаш, кўпайтириш борасида ҳам зарур масlahатлари орқали ёрдам беради. Уларни ушбу йўналишдаги илғор тажрибалар билан таништиради.

Қисқача айтганда, “Ipoteka Leasing” лизинг компанияси жамоаси мамлакатимизда кечаётган иқтисодий жараёнларда фаол иштирок этиб, намунали хизматлари билан миҳозлар ишончига сазовор бўлмоқда. Муҳими, узаро ҳамкорлик икки томон учун яхши манфаат келтиради.

Бугунги кунли рақобат шароитида эришилган натижалар билан қаноатланиб бўлмайди. Шундай экан, лизинг компанияси мутахассислари балиқчилик соҳасида мақсадли лойиҳаларни рўёбга чиқариш, иқтисодийнинг локомитиви сифатида эътироф этилаётган тадбиркорларни қўллаб-қувватлаш, уларга жаҳон андозалари даражасида хизмат кўрсатиш чораларини кўраверади.

Банк ахборот хизмати.

Хизматлар лицензияланган.

Корхона раҳбарлари ва балиқчилик соҳасида фаолият олиб бораётган тадбиркорлар диққатига!

«IPOSEKA LEASING» ЛИЗИНГ КОМПАНИЯСИ
қўйидаги лизинг турларини таклиф қилади:

- балиқни қайта ишлаш технологиялари;
- садок;
- ускуналар;
- қишлоқ хўжалиги техникалари;
- махсус техникалар;
- кўчмас мулк ва автомашиналар.

Бериладиган муддат — 13 ойдан 60 ойгача.

- Манзил: Тошкент шаҳри, Мирзо Улуғбек тумани, Шаҳрисабз кўчаси, 30-уй.
- Мурожаат учун телефонлар: (0-371) 150-48-73, 150-48-71.

Хизматлар лицензияланган.

2017/2018 йўқув йилида Камолиддин Бехзод номидаги Миллий рассомлик ва дизайн институтининг битирувчилари тўғрисида маълумот

Институт бўйича				Вилоятлар кесимида																												
Т/р	Номи	Жами битирувчилар сони	Шу жумладан		Коракло-гистон Республикаси	Андижон вилояти	Бухоро вилояти	Жиззах вилояти	Навоий вилояти	Наманган вилояти	Самарканд вилояти	Сурхондарё вилояти	Сирдарё вилояти	Тошкент вилояти	Фарғона вилояти	Хоразм вилояти	Қашқадарё вилояти	Тошкент шаҳри														
БАКАЛАВРИАТ																																
1.	Касб таълими: дизайн (интерьерни лойиҳалаш)	17	4	13		1				1	1		1	3			1	1	2	5												
2.	Касб таълими: дизайн (либос дизайни ва газламаларнинг бадий ечими)	25	5	20			1			1				4		1		3	12													
3.	Касб таълими: рангтасвир (дастгоҳли)	11	2	9					1			1		1			1	1	2													
4.	Санъатшунослик (тасвирий ва амалий санъат)	39	8	31	1				7					1			1	5	12													
5.	Санъатшунослик (музей иши ва маданий мерос объектларини сақлаш)	31	7	24			2	1		2	1	3		4	1		2	2	8													
6.	Рангтасвир: дастгоҳли рангтасвир	20	6	14			1	1		2				2		2	3	1	2													
7.	Рангтасвир (маҳобатли рангтасвир)	17	8	9		1					2	1		1	1		1	1	3													
8.	Рангтасвир (театр-безак рангтасвири)	8	4	4			1				2	2		2			1	1	1													
9.	Рангтасвир (фильмнинг тасвирий ечими)	9	3	6			1	1		1				1			1	1	1													
10.	Дизайн (интерьерни лойиҳалаш)	13	5	8							1			1				4	5													
11.	Дизайн (компьютер графикаси ва бадий фото)	16	4	12							1	1	1	2	1		2	5														
12.	Дизайн (либос ва газламалар)	32	6	26	1		1	1	1					2		1	3	17														
13.	Дизайн (реклама ва амалий графика)	13	4	9					1					2			2	6														
14.	Графика (дастгоҳ ва китоб графикаси)	16	5	11				1			1	1	1	1			1	2														
15.	Графика (хаттотлик ва миниатюра)	12	4	8		1				1	1			1	1	1	1	3														
16.	Хайкалтарошлик (турлари бўйича)	13	2	11			2			2		1		1	1	1	1	2														
17.	Амалий санъат: амалий санъат асарларини таъмирлаш	7	1	6			1							2				3														
18.	Амалий санъат (бадий куллолик)	6	2	4							1	1		2				1														
19.	Амалий санъат (меъморий ёдгорликлар безаги)	6	2	4										2				2														
Жами		311	82	229	1	1	0	4	6	9	0	5	3	10	4	6	4	15	3	8	1	5	5	31	5	10	5	11	10	19	35	95
МАГИСТРАТУРА																																
1.	Санъат назарияси ва тарихи (тасвирий ва амалий санъат)	4	1	3															3												3	
2.	Музейшунослик, тарихий-маданий объектларни консервация қилиш, таъмирлаш ва сақлаш	4	1	3		1																							1	1		
3.	Рангтасвир (дастгоҳли)	6	1	5				1				1	1	1																		
4.	Кино ва телефильмнинг тасвирий ечими	2	1	1						1																			1			
5.	Мультипликация ва компьютер мультипликацияси	3	1	2										1														1	2			
6.	Дизайн (либос ва газламалар)	4	1	3																								1	3			
7.	Хайкалтарошлик (турлари бўйича)	2	1	1																												
8.	Тасвирий ва амалий безак санъати	3	1	2																								1	1			
9.	Санъат асарлари ва меъморий ёдгорликларни таъмирлаш	2	2							1				1														1				
Жами		30	10	20		1		1	1			1	1				1	1	1				3	1				1	1	5	10	

Изоҳ: г — давлат гранти асосида битирувчилар, ш — тўлов-шартнома асосида битирувчилар.

Мурожаат учун манзил: Тошкент шаҳри, Миробод тумани, Мироншоҳ кўчаси, 123-уй. Телефонлар: (0-371) 255-96-67, 255-92-18, (+99891) 190-83-00.

2018-йил

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 345. 139 973 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоиси келишилган нархда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона (0-371) 233-52-55;

Котибият (0-371) 233-10-28; Ўқлоқлар (0-371) 232-11-15.



Таҳририятга келган кўлабмақал тақрир қилинмайди ва муаллифга қайтарилмайди.

Газетанинг сўзлаб берилиши учун обунали расмийлаштирилган ташкилот жавобгар.

Газета таҳририят компьютер марказида термал ҳамда оператор М. Бегмуратов томонидан саҳифаланади.

Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмахона телефони: (0-371) 233-11-07.

• **МАНЗИЛИМИЗ:**

100000,

Тошкент шаҳри,

Матбуотчилик кўчаси, 32-уй.

Навбатчи муҳаррир — Ф. Бўтаев.

Навбатчи — Ю. Бўронов.

Мусаххих — Ш. Машраббоев.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎЗА якуни — 22.15 Топширилди — 22.20 1 2 3 4 5 6

Халқ сўзи

Народное слово

МУАССИСЛАР:

Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси